

Xeev Oregon Qhov Kev Zam Uas Hais Ntsees Txog Medicaid thiab Lub Neej Yav Pem Suab ntawm OHP Xyoo 2022-2027

Kev zam txog ntawm Medicaid yog dab tsi?

Medicaid yog ib qho txheej txheem pab cuam ntawm lub xeev thiab tsoom fww. Ib lub xeev yuav tsum tau thov ib qho kev zam txog ntawm Medicaid thaum nws xav ua cov kev hloov pauv los ntawm cov lus qhia ntawm tsoom fww uas ib txwm siv. Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP), uas yog qhov txheej txheem pab cuam rau fab Medicaid ntawm xeev Oregon, muab kev saib xyuas (tu) mob rau fab kev noj qab haus huv rau cov neeg uas muaj cov nyiaj khwv tau los tsawg. Ib lub xeev muaj peev xwm thov kom muab kev zam txog rau ntawm qee cov txoj cai rau kom muaj kev yooj yim dua qub hais txog ntawm cov nram qab no thiab ntau yam ntxiv:

- Leej twg thiaj muaj cai tau txais Medicaid
- Lawv tau txais cov txiaj ntsig dab tsi
- Yuav muab kev saib xyuas kho mob rau fab kev noj qab haus huv mus rau cov tswv cuab ntawm Medicaid tau li cas

Lub hom phiaj ntawm qhov kev rov toj sij hawm tshiab txog qhov kev zam (uas hu tias [Kev Ua Qauv Qhia 1115](#)) yog txhawm rau los mus hloov kho peb lub xeev qhov txheej txheem pab cuam ntsig txog Medicaid es kom thiaj li muab tau kev pab rau peb cov tswv cuab. Nyob rau Lub Cuaj Hlis Ntuj 28, 2022, Lub Chaw Saib Xyuas Cov Kev Pab Cuam Los Ntawm Medicare and Medicaid (Centers for Medicare and Medicaid Services) tau muab cov kev txiaj txim siab zaum kawg nkaus ntawm xeev Oregon uas hais txog cov kev hloov pauv uas tau txais kev tso cai rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan). Cov kev hloov pauv feem ntau yuav pib rau xyoo 2024, muaj qee cov yuav pib rau xyoo 2023.

Cov hom phiaj ntawm xyoo qhov Kev Zam Xyoo 2022 – 2027 Waiver

Kev hais daws txog kev muaj vaj huam sib luag rau fab kev noj qab haus huv yog qhov uas tsi ntsees xub thawj ntawm xeev Oregon qhov kev zam. Nws yuav nrhiav txhawm rau tsim keeb kwm txog ntawm lub tswv yim tshiab ntawm Xeev Oregon hauv feem kev saib xyuas kho mob rau fab kev noj qab haus huv, thiab tsim kev vam meej ntxiv mus tom ntej raws li peb cov hom phiaj:

- Kev tsim ib lub hauv kev saib xyuas kho mob rau fab kev noj qab haus huv uas ncaj ncees, raug raws li kab lis kev cai- thiab raug raws li hom lus-uas muaj kev lav paub txog tes hauj lwm zoo dua qub
- Kev xyuas kom paub tseeb hais tias cov neeg muaj peev xwm tswj xyuas tau lawv qhov kev pab them nqi duav (roos) rau fab kev noj qab haus huv
- Kev txhim kho cov tshwm sim los ntawm fab kev noj qab haus huv kom tau zoo dua qub los ntawm kev hais daws cov kev xav tau ntawm fab sim neej (kev tawm rooj sib ntsib) uas cuam tshuam txog kev noj qab haus huv
- Kev xyuas kom paub tseeb txog kev siv nyiaj txiag uas hloov pauv tau yooj yim rau feem kev muaj vaj huam sib luag fab kev noj qab haus huv

Yam Uas Yog Qhov Kev Hloov Pauv nyob rau qhov Kev Zamm Xyoo 2022 – 2027

Kev tso npe

Kev sau npe nkag qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) rau cov me nyuam yaus yam tsis tu ncuu, txij li thaum yug tau lawv los mus kom txog ntua rau thaum lawv lub hnuv yug puv yeeg zaum thib rau. Qhov no txhais hais tias cov me nyuam yaus yuav tau txais lawv qhov kev pab them nqi duav (roos) rau fab kev noj qab haus huv mus kom txog ntua rau thaum lawv muaj hnuv nyoog rau xyoo thiab tuaj yeem mus ntsib tib cov kws muab kev saib xyuas kho mob rau fab kev noj qab haus huv qub tau ntev mus ntxiv, uas ua rau muaj cov kev tshwm sim ntsig txog ntawm fab kev noj qab haus huv tau zoo dua qub.

Kev sau npe nkag qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) yam ua ntu zus txog ob lub xyoos rau cov neeg uas muaj hnuv nyoog rau xyoo thiab siab dua ntawd tab txawm hais tias lawv qhov txheej xwm ntawm kev muaj cai tsim nyog tau txais kev pab ntawd yuav hloov pauv li cas los xij. Muaj coob tus ntawm cov neeg uas tau plam lawv qhov is saws las tuav pov hwm kev noj qab haus huv los ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) mus lawm ntawd tsuas yog hais tias lawv tsis muaj cai tsim nyog tau txais kev pab cuam rau ncuu sij haw luv nkaus xwb thiab tom qab ntawd lawv yeej muaj caij rov qab mus koom qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) tau kawg. Qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) “qhib thiab kaw” no ua rau muaj cov kev tshwm sim txog ntawm fab kev noj qab haus huv phem dua qub tuaj lawm xwb.

Qhov no txhais tau li cas rau cov tswv cuab ntawm qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP)

Cov tswv cuab ntawm qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) yuav tau txaus kev pab them nqi duav (roos) mus ntev dua qub. Tam sim no, cov tswv cuab yuav tsum tau rov qab sau npe nkag txhua xyoo, thiab lawv tau plam kev pab them nqi duav (roos) mus yog hais tias muaj qee cov kev hloov pauv txog ntawm lawv qhov kev muaj cai tsim nyog tau txais kev pab cuam (xws li ib qho kev hloov pauv txog ntawm qhov nyiaj khwv tau los). Nyob rau hauv qhov kev zam tshiab, cov tswv cuab tsis tas yuav tsum tau rov qab sau npe nkag raws li ib txwm lawm, thiab cov kev hloov pauv xuaj qhaus (ib ntus) txog ntawm qhov kev muaj cai tsim nyog tau txais kev pab cuam yuav tsis ua rau lawv plam lawv qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) mus ntxiv lawm.

Cov Kev Xav Tau Saum Fab Sim Neej (Kev Tawm Rooj)

Yuav muab cov kev pab cuam rau cov tib neeg thiab cov tsev neeg uas tab tom ntsib kev nyuaj txhawm rau los mus hais daws kom tag tej teeb meem raws li siab ntshaw. Thaum cov neeg mus hla dhau cov kev hloov pauv ntawm kev ua neej nyob uas tseem ceeb lawm, xws li kev poob vaj tse chaw nyob los sis kev raug cuam tshuam los ntawm txheej xwm huab cua phem heev, feem ntau lawv tau plam kev nkag cuag tau rau lawv cov kws muab kev saib xyuas kho mob rau fab kev noj qab haus huv, uas ua rau muaj cov tshwm sim los ntawm fab kev noj qab haus huv tsis zoo tuaj.

Txhawm rau pab cov tswv cuab tuav tswj lawv qhov kev pab them nqi duav (roos), yuav tsum nco ntsoov sib tiv tauj nog lawv cov kws muab kev saib xyuas kho mob rau fab kev noj qab haus huv tas li, thiab tswj tus kheej kom noj qab haus huv, xeev Oregon xav muab cov kev pab txhawb nqa fab sim neej rau cov tswv cuab thaum lawv ntsib cov hom xwm txheej zoo li no nyob rau hauv ib qho twg ntawm cov kev pab cuam uas hu tau tias cov kev xav tau saum fab sim neej uas cuam tshuam txog kev noj qab haus huv.

Nyob ntawm seb qhov yam ntxwv ntawm qhov kev hloov pauv ntawd, cov feem ntawm qhov khoom ntawm cov kev xav tau ntsig txog fab sim neej uas cuam tshuam txog kev noj qab haus huv nws zoo li cas uas tej zaum kuj yuav muaj xam nrog rau cov kev pab cuam uas cuam tshuam txog:

Vaj tsev chaw nyob

Cov kev pab cuam kev txhawb nqa rau vaj tsev chaw nyob tej zaum kuj yuav muaj xam nrog rau ib los sis ntau dua ib ntawm ntau yam kev sib txuam nram qab no:

- Kev pab txog ntawm kev xauj tsev los sis kev muaj vaj tsev chaw nyob ib ncuva (piv txwv li., cov nyiaj them nqi xauj tsev, nyiaj khaws cia tom tuam txhab tswj nyiaj txiag, kev pab ntsig txog kev siv dej hluav taws xob) mus txog rau 6 lub hlis
- Cov kev kho vaj tsev (piv txwv li., cov choj hla, cov tes tuav, kev daws kho cheeb tsam ib puag ncig)
- Cov kev pab cuam txhawb nqa ua ntej kev xauj tsev thiab kev xauj tsev (piv txwv li., kev ua ntaub ntawv thov vaj tsev chaw nyob, kev txhawb nqa kev khiav mus los, kev tiv thaiv kev raug ntiab tawm.)
- Kev tsav coj uas tsi ntsees rau vaj tsev chaw nyob tihab/los sis tus thawj tuav tswj tus neeg mob

Kev pab ntsig txog khoom noj

Cov kev pab txhawb nqa rau khoom noj khoom haus muaj thaj zoo tej zaum kuj yuav muaj xam nrog rau ib los sis ntau dua ib ntawm ntau yam kev sib txuam nram qab no:

- Cov chaw txuas (links) mus rau cov chaw muab kev pab cuam ntsig txog khoom noj uas saib raws cheeb tsam zej zos (piv txwv li., kev pab txhawb nqa ntsig txog kev ua ntaub ntawv thov rau SNAP thiab WIC)
- Kev kawm paub txog khoom noj khoom haus muaj thaj zoo thiab kev ua zaub mov
- Cov ntaub ntawv sau qhia yuav txiv hmab txiv ntoo thiab zaub (mus txog rau 6 lub hlis, tsis tas li ntawd kuj tseem hu tau tias VeggieRX) thiab cov npov ntim khoom noj/cov puas mov uas muaj thaj zoo rau fab kev noj qab haus huv tib si
- Kev xa puas noj raws li kws tshuaj hais

Kev pov thaiv los ntawm cov xwm txheej ntuj siab,dej nag thiab huab cua

Cov kev pab txhawb nqa tej zaum kuj yuav muaj xam nrog rau ib los sis ntau dua ib ntawm ntau yam kev sib txuam nram qab no:

- Kev them nqi rau cov twj cuab yeej uas siv ceev qhov kub thiab txias hauv nrog cev uas zoo rau fab kev noj qab haus huv thiab huab cua zoo, muaj xam nrog rau cov tshuab cua txias (lub es), cov tshuab cua sov, cov lim cua txias thiab cov cuab yeej tsim cua txhawm rau thiaj li siv tau cov cuab yeej ntawd thaum muaj kev tua hluav taws xob tshwm sim

Tus uas tej zaum muaj cai tsim nyog tau txais cov kev pab cuam ntsig txog cov kev xav tau ntawm fab sim neej uas cuam tshuam txog kev noj qab haus huv

Cov pab pawg neeg uas tej zaum yuav muaj cai tsim nyog tau txais kev pab rau cov kev pab cuam no raws li qhov kev xam nod muaj xws li nram qab no:

- Cov hluas uas muaj cov kev xav tau txog kev saib xyuas kho mob rau fab kev noj qab haus huv tshwj xeeb rau cov uas muaj hnuv nyoog 19 - 26
- Cov neeg hluas uas tseem muaj feem xyuas tau txais qhov nyiaj yug me nyuam yaus, muaj xam nrog rau kev tawm ntawm qhov kev saib xyuas kho mob tam li niam qhuav txiv qhuav rau cov hnuv nyoog 18 xyoo
- Cov neeg uas tab tom ntsib kev tsis muaj vaj tsev nyob los sis nyob rau kev pheej hmoo tsis muaj vaj tsev nyob
- Cov neeg laus dua ntawd uas hnuv nyoog laus lawm uas muaj is saws las tuav pov hwm kev noj qab haus huv los ntawm Medicaid thiab Medicare ob yam tib si
- Cov neeg uas tab tom raug tso tawm los ntawm kev saib xyuas
- Cov neeg muaj kev pheej hmoo raug cov txheej xwm huab cua phem vim los ntawm qhov kev hloov pauv ntsig txog ntuj siab,dej nag thiab huab cua

Qhov no txhais tau li cas rau cov tswv cuab ntawm qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP)

Cov tswv cuab ntawm qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) uas tab tom ntsib cov kev nyuaj ntsig txog kev ua lub neej nyob ntawm qee feem hauv lub neej yuav muaj vaj tsev chaw nyob thiab cov kev pab cuam ntsig txog khoom noj haus uas zoo rau lub cev yeej tseem muaj rau lawv siv tau txhawm rau kom thiaj li nyob muaj kev noj qab haus huv nyob rau txhua lub sij hawm hauv lawv txoj sia thaum lawv tab tom ntsib ib qho kev xav tau uas loj tshaj qub tuaj.